

تۈرك يۈردى

تۈركلەر فائىدەسەنە چالغىش
اون بىش كۈندە بىر چىقار

يىل ۷ - جلد ۱۴ - عمومى صاى ۱۵۱
۱ كانونى ئاى ۱۳۳۴ صاى ۱

قالب اولور . لکن تبعه سنک ازی شوقی ایچون
« قانتهل » ی فنلاندیاده برافیر .

* *

قالووالا نه دیمکدر ؟ دستانی او قومادن بونی
طبیعی او کریمک ایستکز . قالووالا « قالووانک او طو-
ردینی بر » دیمکدر . فقط « قالووا » کیمدر ؟ hanander
غاناندر ، صوکر ا دیکر بر طاقم مؤلفلر بونی بر « اسم
خاص » تلقی ایدرلر . اونلرجه بواول زمانک مشهور
دیولرندن بریدر . بر جوق اولادلری ایچنده وهینه مو-
ینه ، الحارینه ، له معیقینه ده واردر . gastron
غاسترانه کوره ایسه قالووا بر نوع قهرمانلق مفکوره سی
افاده ایدن عمومی ترتیدر . هر قهرمان ایچون سولنه-
بیلیر . حقیقته بر جوق شخصلرک قالووالانک اوغلو
دییه آتیلدیغنی کوره جکز . حالبوکه هبسنک متشألری
مختلعدر .

حاصلی قالووالا « قهرمانلر وطنی » دیمکدر .
پوهیولا شبهه سز بو وطنله حدودی اولان بر بر
اولاجی ... ایرانله توران کی ! آپوهنک موضوعی
ایشته بوایکی مملکت اراسنده کی محاربه در . اثرک
برلکمی ده بو حرب تشکیل ایدر . بوجاده ده بر طاقم
مثالی تظاهر لوده واردر . قارا کافله قارشی ایدیناق
سلاحلار ؛ فنانله قارشی آیلک ... فقط بالکنز
بونلره باقی اثرک قیمتی دوشورور . آپوه داغما تاریخی
شائیه بابانجی قالاز . بو شائیه بویونور ، سوله ،
کوزه لله شدیر بر . بونون بر عسکرک حادثه لرینی یالکنز
بروقعه ده بیکلرجه قهرمانک حرکتلرینی یالکنز بر قهرمانده
طوبلار ، لکن بینه اساس بوزولاز .

قالووالاده کی وقعه لر هانکی زمانده ، هانکی ،
قطعه ده کیمشدر ؟ بوکا دوشور بر جواب
ویریلمز . بویوک آپوهلر زمان ، موقع قیدینه
پک اهمیت ویرمز . کيفلرینه کوره صرف کندیلرینه
خاص بر عالم یاراتیرار . الهاملرینه کوره حکایه لر
آکلاتیرلر . زبرا - بونقطه غایت مهمدر - آپوهلر
جمعیتلرک تکامل ایدرک صنفلرک سجه لر ، حدودلری
آیجه آیریلدیغنی زمانلر دکل ؛ انجاق قوملر موجودیتلرینک
داها ایلاک مسعود دوره ارنده ، یعنی فکرجه ، حجه
اعتقاده ؛ حرججه تام برکل تشکیل ایتدکاری
دورلده دوعار .

بونفیس آپوهنک بدیی قیمته کلنجه ... بوکا
دائر تفصیلاتی ترجمه نک نهایتیه برافیرور .

عمر سیف الدین

سیاحت

حلب خاطرهلری ۱*

حلبده انک صباح کونشله قاماشمش ،
چوق آیدینلق بر اوکله ساعتده قلعه یی زیارته
کیتدک ؛ کسکین وفاراکلق بر جلری ، قورقونچ
معظم سکیله ، حلبک اورته سنده صنعی برتیه
اوستنده دوران بویوکسک قلعه قرون وسطی نک
عسکری کونلرندن آرته قالمش بر یادکاردی .
حلبه یاقلاشان اسکی کروانلر اووالرک اوزاق
بر نقطه سندن شهرک باشنده ده میردن بر تاج کی
دوران بو مشهور قلعه یی اطرافه صالیدیغنی قورقو
حسیله سیر ایدرلریدی . هر هانکی بر طرفدن
اسیا ایچرلرندن ، آوروپادن ، مصردن طاقوب
کن بوتون استیلار ، یوللرینک اوکنده اونک
مغرور بر جلریله کیریلوب دیکل دیکنی کوردیلر .
بر ارسلان یاهسی کی کورده یوب دیکنه مش
خره خره دیشلری ، تلمکله قارشی ده کیز
اوکنده یالچین بر ساحل کی دوران خشین
قانی دیوارلری ، هر یری قایلردن اورولش
وعیط الله قیصلمش بویوک و آغیر یومروقلره
بکزه یین بر جلریله بوقعه ، اسکی بر سلطنت سوریه
قایلرنده مظطن ، مغرور و کستاخ بر ادعایی ایدی .
عسکری معبارلق قدرت و سلطنت فکرینی
نادر آ بوقدر بیلدیران وسیندیرن بر شکله
قومیشدر . کونک الک آیدینلق بر ساعتده
کوزلر فضل ایشقده راحتیز اوله رق کندی
کندینه قاپانیرکن او عاداتا حلبک اوستنده
بیلدیریم بولوطی رنگنده اورتولو عضوب بر
جبهه ایله دوریوردی . ده کیشن ، آقوب کچن
عصرلرک اورته سنده او ، صولری ایکی به ایران
بر آله کی قالمشدی .

[*] « سوریه بوللرنده » آدیه باصلقده اولان

کتابدن بر پارچه

یکی دورلرک اسکی دورلرہ نسیانہ قاریدینی
عینی نقطہ دن، عینی سکون و عظمتلہ سیرایدیور .
شہہ یوق کہ ، مزراق ، قلیج و منجیق ، کورز
محاربہ لرنده برایشہ یارایان بو برج و بارولر
شیمدی حرب اعتباریہ لزومسز برسوسدن
عبارتدر . فقط قرون وسطی یی اونک هرکون
برتہلکہ ایله چارپیشان مغرور و خوشین روحنی ،
اسکی سلطان وائیلرک قدرت و جبروتی هانکی
کتاب ، هانکی لسان بوقلعه قدر بلاغت
و طنطنہ ایله اعلان ایدہ بیلیر . صاحبقران برآلک
سوریہ قاپولرنده یوکستدیکي بوبنا، حصارلرینک
دیرسکلری ، برجلرینک بوکلوملریہ روز کارلرہ
قارشی دالغہ لانان ، قایلردن دوقونمش مدہش
برحاکیت بایراغی کی دوریور . شیمدی
قسماً طور اقلہ دولی اولان ودرینکئی غائب
ایدن خندکدن قلعه بدنہ چیقان یاماچلر ،
دیک برقالدیرم کی کسمہ طاشلرلہ اورولمش
وبو طاشلرک برقسی برلیر ، حتی کندی
اولرینک یاپسندہ قولانمق اوزرہ سوکلشار ،
واورته قاپونک اوستندہ ، اوزاقدن اوقونہ بیلہ جک
قدر ، غولانہ ایری حرفلرہ قلعه نک صوک
بانینی اوکرہ نیورز . هلاکو اردولری طرفدن
تمامیہ تحریب ایدیلن قلعه یی ، مصرده سلطنت
سورن بحری تورک مملوکلرندن « ملک منصور
قلاون » ک حلدہ والیسی ویا دورک تعبیرنجہ
کافلی اولان « شمس الدین قرہ سنغرالجو کندار »
واوندن صوکرہ « قلاون » ک خلفی ، واوغلی
ملک اشرف صلاح الدین خلیل ، یکیدن احیا
ایتمشدر . عربچہ یازیلان بو کتسابہ لر کنیش

بوتون شہر بونالیتیجی برآیدینلق اسراف ایچندہ
عمومی برقامشہ حالندہ ایدی . بزم بولندیغمز
یرلر ، بورایہ نظراً برکولکہ ایچندہ دینلہ بیلہ جک .
براز دولاشدقدن صوکرہ ، نہایت کنیش بر
میدان ایله قوشاتیش اولان قلعه نک اوکنہ کلدک
اصل جنوب طرفندہ منظرہ زائر اوزرنده الک
درین تأثیری حاصل ایدیور . دیوارلری
اوموزلایان تہ لزومندہ صو ایله دولدیرلوق
ممکن اولان کنیش برخندکله چورولمش ، وایچری
کیرملک ایچون کمرزہ دایانان برطاش کوپری یی
کچمک ایجاب ایدیور . بو نقطہ دن باقلدیقی وقت
سلطانلرہ وائیلرہ مخصوص اولان اوست
اوطہ یی برقارنال یوواسی کی یوقاریلرہ قورولمش
کورییورز . قلعه بدنک الحاکم الک کوستریشلی
قسمی بودر . طاش کوپرینک باشندہ ایلری یہ
دوغرو الک بو بولک چیقیتی یی تشکیل ایدن و برنجی
قابونک او یوغنی احتوا ایدن ایری کنیش بر برج
دهاوار . اطرافندہ ، آسیا استیلارینک ، صلیب
اردولرینک داخلی اختلاللرک بوتون قاصیرغلری
عصر لرجه دوام ایتمش ، الک قورقونج وچیلغین
بوغوشملرک هراج و مرجی چالقامش اولان
بو قلعه شیمدی بو صوک بہار کونشک فضاہ
آیدینلق ، فضلہ براق هواسی ایچندہ مطلق
ومتروک برسرلکہ دالمش دوریور . اورتہ دہ
حرہ ، اختلالہ ملتزم تحریبلرہ وزمانک ، آشیندیرمہ
سنہ ، هریتہ رغماً او ، بیتمش بردوردن قلعه ،
چورومہ سی محال ، معظم بر مستحائہ بکزیور ،
درین تمللرینک اوستندہ آباغنی صیقی باصمش ،
نابت نظری اوکنده ملتکر بر برینی استخلاف
ایتدیکئی ، سلطنتلرک چوزولوب داغلدیغنی ،

برقوشاق حالده جهه نك اورتە سنده غرىدن
شرقه اوزانوب كيديور ذاتاً جلدە وشامده
قدسده ، بوتون سوریه ده بللى باشلى هانكى
اثر واردركه اونك طاشلرنده برتورك اسمك
ابدیتە براقلمش اولدینی كوردوله سین . دوت
بیک سنەك بر عمری اولدینی حکایه ایدیان حلب
شرقك برچوق شهرلی کبی ، آنجق اسلام
زمانده اولکی ماضیسی ، بوسبوتون اونوتد .
یره جق الك پارلاق دورلرینی ادراك ایتشد .
اسلامی دورك برچوق بو یوك وشرقی اسملرینی
قلعه نك قابولری ، مسجدلری ، جامعلری اوستده
آیری آیری اوقویه بیابورز . برفرانسزمؤلفك ،
« غایه » نك عرب مدنیتی عنوانلی اثرنده يك
حقلی اوله رق اعتراف ایتدیکی اوزده فرعونلر
قدر مصری وسوریه یی عمرانده دولدیرمش اولان
بو بحر ی تورک سلطانلری اسملرینك اطرافنده
مظنن بر معیت تشکیل ایدن اوزون ومغرور
بر صره عنوانلر آلیورلر . مثلاً : قلعه نك صوك
بالیسی ، مولانا السلطان الاعظم الملك اشرف
صلاح الدینا والدین ، ناصر الاسلام والمسامین
عمادالدوله ركن الملة مجیر الامة ظهیر الخلافة
نصیر الامامة ، سید الملوك والسلاطین سلطان
الجیوش الموحدین ناصر الحق بالبراهین ، محی العدل
فی العالمین ، کبی عنوانلره غرورینی دنیایه تشهیر
واعلان ایدیور . کمرلر اوسته آتیش برکوپریدن
ایجری کیردك ، ساجوقیلرک قره قوشلرینه
ارسلانلرینه مقابل ، بوراده قایلان باشلی ،
بیان کورده لی برچین اذدرینه تصادف اولونیور ،
مردیونلری چیقار ایکن آلتندن کجه جکمز
قابونك کمرنده قارشیلقلی ایکی اذدر اسرادی

یوکسک، مغرور و آصیل دوریور، جوق
زمانلردنبری اورالده هیچ برکیمسه چیقماش
اولمالی که شمدی تامایله بیقیلمش اولان چاتینک
طابان دیرکریته مخصوص اولان دلیکلرده
کرکنسلر، یوواطوشلر، بزم آباق سسمزدن
اورکهرک طوانلرک بوش قالان لرلندن اوچوب
کیتدیله .

شهرک کورولتوسی یورالده قدر واصل
اولیور و بوسسزلک موقعک ویردیکی حسلرله
قاریشهرق روحده غریب بردالغیلق حاصل
ایدیور . حلبی سیر ایتک هپ بردن کورمک
ایچون قلعهک دوت کوشه برقولهی خاطرلاتان
منارهسندن دهها موافق بریربولنه ماز . بومناره ،
سورلری و برجلی آشان بویله البت اسکیدنبری
اوزاق، یاقین بتون بو بوللری کوزتله ملک ایچون
برترصد قلهسی خدمتی ده کورمشدر . شمدی،
ارقاداشم جیل سلیمانله برابر آشاغیده کی دورغونلغه
رغماً آزجوق روزکاری اکیسک اولمایان اوست
شرفه دن حایه باقیورز . دوت بویوک جامع
قلعهی اوزاقدن ، یقیندن احاطه ایدیور ،
خسرویه، عادلیه ، عثمانیه و اطروش جامعلری،
بونلردن اوچ اولکیلر استانبولک ، قلیج علی
پاشا ، رستم پاشا ، شهید محمد پاشا جامعلری نه
ایسه عیناً اودره اوچ عثمانلی تورکی استانبولک
نارین مناره لرینی یاریم دائره قهرلینی برابر کیتیرمشلر
ویکی تورک سلطنتک کندیته مخصوص اولان
معظم ابدلرینی بوراده قورمشلردر .

اطروش جامعی ایسه ۸۰۱ دن ۸۰۸ سنه سنه
قدر حبلده نائیک ایتش اولان تورک امراسندن
آق بوغانک اثری یعنی اوده حلب شهرینه برتورکک

برصوکی دورغون ایشینی آلتنده اونولش متروک
وسسز دوریور . حالبوکه یوزلرجه سلطان
ونائب اوکا برطاش علا و ایتک، اونک برکوشه سنده
کندی اسمنی طایفه جق بریادکار براقق خصوصنده
عصرلرجه بربرینه رقابت ایتشلر ، اونک هیچ
برزمان بیقلمایه جق فرض ایدیلن سرت، یالچین
دیوارلری اوسته اسمنی قازدیرمق اولومه،
اونوتولمه قارشى محفوظ قالمق، ابدیته برامکان،
برحق قازانمق دیمکدی .

ایچرده اوزون محاصره لره قارشى هرشی
دوشولش ، هر تدبیر آلتش ، کنیش محزنلر،
برقاج بیک کیشی به ایلرجه صوتشدیردجک
ایتانیماز درجه ده قویورلر، آنبارلر، مسجدرلر،
جامعلر ، بوللر، چشمه لر، نرهبه سوق ایتدیکی
بیلمز قاپولر ، هپسی یابلمش ، فقط صکره
ده کیزلرک یلکنلی حرب کیمیلری کبی بونلرده
آرتق ایشه یاراماز اولش و آنجق بیقیله مامقدن
دوغان برحیات ایله عصرلردن عصرلره عمرلرینی
اوزاتوب دوریورلر، هیچ شبهه یوق که قلعهک
اک کوزل اک دقه لایق قسمی سلطانلرک ،
نائیلرک کندیلرینه مخصوص اولان دائره لرنده
جنوب جهه سنک اک یوکسک اوطه سنی تشکیل
ایدن بوداثره حلبه واونی احاطه ایدن اووالده
اوستدن، حاکم و محیط بر نظرله باقیور، چرچودسی
قیرمزی صوماکی مرمردن یابلمش تک بر پنجره ،
بالق آخی کبی اورولش بر پنج بارمقلق آردسندن
بوتون جنوب افقلری سیر ایدیور ، آشاغیده
عادنا یاصلمش، ازیش کی دوران پایاغیلق وسفالت
حسی ویرن بو کونکی حکومت قوناغی یانده
بو اسکی حکومت قوناغی نه قدر شاهانه، نه قدر

یادگاریدر . (۱) شهرک اورتہ سندہ یوکسلن تورک
قلعہ سنی، درت نفیس تورک معبدی عادتاً برچنبرکی
قوشا تشار . اورتہ دہ قدیم عسکرلکمزک قدرت
وعظمتہ شہادت ایدن بویوک ومہیب برقلعہ ،
اونک اطرافندہ مدینت وصنعت مزہ ، عمرانیلغمزہ
ہربری آری بردلیل اولان درت بویوک جامع
اوزاقدن ویوقاردن صرہ کمرینی ، دیرکلرینی
ومدرسہ اوطلہ لریہ محاط حریم لریہ باقدیقمز
بوازیرلری بویوک ویارین بربروزیارت ایدہ جکمز .
مسافہ ایلہ کوچولن آرابہ لک سس ویرمکمزین
کلوب کچدیکی جادہ لری ، کنارطاشلری دوغرہ لری
غائب ایتمش ، شفقتدن زیارتدن محروم راقلاماش
مزارقلاری ، اوزون وکنیش چایسی ، مرمر
دوشہ لی محلا اولوسیہ شهرک اک بویوک معبدی
ذکریا جامعی ، باغچہ لک یوکسک دیوارلری
آرقہ سندہ صولری کندی اوستہ دوشن یشیل
فسقیہ لری کچی یارقلری اشاغی دونمش خرما
آغاچلرینی ، برسرای اعتناسی ، قلعہ مقاومتیلہ
یابلیش خانلری (۲) مدرسہ لری ، دوز داملی
خصوصی اولری ، قوناقلری طرف طرف منتظم
جادہ لرلہ بولنش ، بوتون بوطاش یاییلری ہپ
بردن سیر ایدیورز . دہا اوزاقلردہ شهرک
دیشندہ قیرلرہ دوغرہ خستہ خانہ لر ، قیشلہ لر ،
کورینور . کوک صو ، یلیلرک قویق نہری
شہرک غربندہ کندی فیضدن دوغان باغلرک ،
باغچہ لرک یشیلکی اورتہ سندہ اقلردن اقلرہ

(۱) حلب تاریخی دوقور پشوف .

(۲) ۱۰۸۹ دہ حلبہ والی تعیین ایدلش وشدی
وزیر خان دیہ یاد ایدیلن حلبک اک کوزل خانی
قرہ جہ محمد پاشا یابدیرمشر .

حلبیلرک بزده الک یوکسک قبه دیدیکی بهرام
باشا جامی بیله ینه عثمانلی طرزنده آناتولی
چینیلرله مزین بر تورک جامعدر . یارندن بر
کوروشله شیعی کونشله دولو کنش و آسوده
حریمه باقدیغمز الک بویوک جامع، ذکر یا جامی،
وارلغی اوچ دفعه تورک عمرانیلی، دیجلکی
سایه سنده قورتارمشدر . یوقسه اونک طالعی ده
دیگر برچوق اموی اثرلرینک طالعدن باشقه
برشی اولماز . یارلنده بر نشانه بیله
قالمازدی . (۱) جلبه سولش آچیلنجیه قدر
حائر اولدینی مستنا موقعی بخش ایدن بیوک
خانلرک بر چوغی واک کوزلری ینه تورکلر
طرفندن یاپلشدر . اونلر آده سنده بوتون
زائرلرک ویرلرک دایما یادایتدکری وزیر خانی
۱۰۸۹ ده والیک ایدن قره محمد پاشانک معثناء
انقس بر اثریدر . اوزاقده سرویلرله کوزل
ترهسی و تکیه سیله، جامعیه، قافله قافله زیارتلر
دعوت ایدن ابوبکر وفاتی تهسی، رسملری
الدرده دولاشان بنالری کهریاکی صاری بر
مهرمدن اویولش ظریف محرانی بر تورک
والینک عمرانیلیغه مدیوند (۲) دما برچوق
مدرسه لر، بیمارستانلر حله حالاحافظه ایتدیکی
بویوک شهرتی و بویوک عمرانی قازانیدردی .
فقط تورک، کندیس، بوتون وائرلرک، بو عمرانک
صاحب اولان تورک، درجه درجه غائب اولمش
طاشلر اوستنده اسملری بر اهرق یقین سنه لره

(۱) ابن اشحنه نك حلب تاریخچه مراجعت

(۲) ۱۰۰۲ سنه سنده والیک ایدن اوکوز محمد
باشا کندی شیخی وفا حشرتلری ناواکوزل بنالری
یابدیران بو ذات صوک درجه متواضع بر منار
ایچنده یاشیور .

ویر حلی کزدرکن بعض فاصله لرله برابر
اون بر عصر ارق بر مدت، بوراده سلطنت
سورن بر ملتک قبلورده، ذهلورده یاشایان صیجاق
طانی خاطر دلری، تاریخمزلک دیوارلورده صو -
غومش، اونو یلمش اسملری، منار طاشلری
اوستده اولورلرک کتابه لرینی اوقورکی متروکیت
وانیان آده سنده محالیور قورجالیوردق .

۲۴۷ ده عباسیلرک بولادیغی وصیف التری
واوچ سنه صوکره ککن موسی بن بوغا و بونلرک
آردنجه ککن طولوی، اخشیدی، بحری، ساجوق
آتابکی والیر، حتی ابویلرک وجرکسلرک
نایلری هریری قاتی بر اسم، صاعلام بر اداره
ایله بوراده حکومت ایدن آق سنغورلر،
تیورطاشلر، قیابلر، آیدمر، اسن دمر آتون بوغا
طرغای، طیشمر، یل بوغا، قوتلی بوغا،
منکلی بوغا، ایشیق دمر، تیورهای، اینال،
کوموش بوغا، قره دمر، آق بوغا، آق بک، یاش بک
قانی بک، قوتلوجه، اوزدمیرکی برچوق تورکلر
بورابه کندیلرندن، بقا قوتنه مالک یادکارلر
براقسمزین کچمه مشلر، اطرافده حیات
اویاندیره رق اوزایوب کیدن یشیل شرید اسکی
تورکلرک شو کول صوی، شیعی قویق
نهری، اسمنی دردنجی عصر رچالندن بر
تورکمن رئیس مدیون (۱) قویوق آغا نامنی
طاشیان بو ذات قدیم شالوسک طغیانلرندن اهاییه
ککن زبانی کوردیکی ایچون نهرک یاتاخی اطرافه
بندلر یایوب طاشمه سنه مانع اولمشدر و تورککنک
بوخده مشدن دولانی ارقق اونک اسمیه یاد
ایدیایور . اولجه قیدایتدیکنمز جامعلردن ماعدا

(۱) حلب سالنامه سی ۱۳۲۱ صفحه ۲۳۳

کلنجیه قدر یالکز مأمور وعسکر اوله رق سیلیک وسونوک برحیات ایچنه کومولشد . لامارتینک « شرق سیاحتی » نده یازدینی اوزره تورک انخساف ایدیور ، آزالییور وبوتون مملکتده یاواش فقط امین برصورتده سیلینوب کیدیور . سیاسی وعسکری وارلقی رسمی وشکلی بر وارلقدن باشقه نصلتلی اولنه بیلیر؛ حتی حلبک شمانه دوغرو بیکلرجه تورک کوی تورک اسملرینی حالا طاشیدقاری حالده بونلرک مهم برقسمنده تورکجه سوله پن تورک اولدقارینی بیلن بر تک فرد قالمه مشدر . بوراده پک اسکی تورک سلطنتی یکی برنام آلتنده دوام ایدرکن تورک خلقی الک قورقونچ واک کنیش برصورتده تمله ، امتصاصه اوغرا ییور ، عباسیلرک مصر تورکرلرینک مرداسی وچرکس خاندانلرینک صوکرده ده سلجوقیلرک جلبایتدکلری تورکرلر ، بعسکری میاجرتلر حلب ولایتی مرکزی ده داخل اولمق اوزره تمادی بر صورتده تورک جریانلرینک بر منصبی حاله قویمشیدی . بوراده برکوشه ، بر آووج طوپراق ، برطاش قیرینی یوقدرکه ، بو حقیقتی اینانامه سی محال برصورتده اثبات ایتمسین . عثمانلی حکومتی تورکک غیری عنصرلرک اللربنه کچیرمه لری واونک دوغوسزلتی ، کورلکی ولیم تورک امحاجیانی هر طرفه فیضیه طاشان برملتی الئک آلتنده بوسوبوتون غائب اوله جق برحاله کتیردی . شیمدی اوستندن سیرایتدیکمز شو حلب شهری ایچنده تورک بایراغک کولکمه سی آلتنده آنطالیه ، عینتاب ، مرعش کبی تورک مرکز لرندن کیش اولان اشرافی ، سچللیری تمامیه محفوظ اولان تورک عائله لر حکومتک

اولانلری اسکی غزوه لرك غالب بدويلريه اشارت ايتك
ايسته يورلردی . آجي شي ... تولدیرلن برانسان بر
جنايتدر ؛ فقط باجالری سونمش ، کنجلری اختيار
واختيارلری جسد اولمش برنسل ، اشته شوچکلری
تترهك انسانلر نه در؟ کندی کندینه هر شيك نه ايتنك
ورديكي جيرانله صارصليوردم .

نفرمله اختيار تورکين برابر قونوشو يورلردی .
نفرم بوايتدائي انسانه قارشى دها مساحه لي ، فکدرلرني
بسيطلشدردمکه لزوم حس ايددرک سويلن پيدر ، واختيار
تورکين بالمکس اوکونه قدر لزوم کوروب قوللانمادي
بعض کله لر آرا يوردی . اناطولى ايله اسکی آسيانك
بو صوك چوجقلرينه روحك شيميدی يه قدر حس
ايتمهش اولدینی رقتلردن بريله دالدم . ايلك اوکيه
کوچ طانيسان بورکوک قرده شلری ، غربت کوننده
بولومش کويلولر کي ، يارم ساعت اينچنده حسلری
اميدلری واضطرابلری بربرينه قارشيمش ، حسبحال
ايتدیلر .

بوجولدن ، اوزاقلرده ائتکاری اسمر بر بوغدايله
چلشن داغلره يتشمک ايچون آتليغزی سوردك .
دوشونه مك ايچون سرعت ، صارصنتي ، مصادمه ايسته
يوردم . نهدن صوکره قارشيمه جسر کوير ، چوالله
فلسطين لونييلرينك کچیدی ، بر استهزا کي صيقدر .
بوکويك کيتش بر جاده سي ، متناظر دره لری ، کوزل
بانچه لری واردی ؛ برچوق کنج قیز بر ديليزانك
اوستنده يقين برکويدن دونيورلری ، يوزلری نفيس
فلسطين شرابلريله قزارمش ، اوزون اوزون کونشله
قالقان کونده اللری اسمر اولمشدی .

دها اوتوده طبريه وار ، يتيللرله چورلمش بر
کولکه چوللرک نهاني ومعهوره لرك اصل باشلانغچيدر
سزی ارتق جنت دولمش بر دنيا پارچه سنك صيحي
حظوظاتي آره سنه سوروکلر ، طبريه دن صوکره بول
دوزدر .

جسرک يوكسك ونشعلي سسلرله بزى مناقشه
ايدن کنج قيزلرينه وداع ايدوب يوقوشك صوك
مبللرني چقارکن صوك دفعه ارقمه دوندم ؛ تورکن
کويلرني چورمش کيتش قاياچولي اوزرنده فلسطينك
روحاني ، بلوطلى وابليق غروبلردن برى باشلا يوردی .

فالغ رفقي



ايدی . بوراده کوردکلرمن ، اورته آسياده ،
آناتوليده سوروده ايرانده ، هندده سير
ايدمچکمز منظره لردن باشقه بر شي دکلدی .
هر طرفده بر تورک قلعه سي طبق بويه بر
منظره دي ياواش ياواش چوکن سيدين بر تورک
تاريخك کيتش افقلرني يوکسکدن قازارمش
دوش بر نظره متحير وبديخت سير ايدوب
دوريور .

- يتهدی -

مدا لاله صبحي



بول اوستنده

- کين صايدن مابعد -

تورکلر سانکه اسکی صولاق وطلری حاضر لاق
ايچون بو آجيق يتيل داللرينك يانه طولانغچلر ؛ کيم
بيلير خويالرنده ، حکايه لرك ، روايتلرک قوينده
کيلرته قدر کلن هانكي مشيت زنکين ، مزروع برلرک
کولکلری وار . بلکه بوسوك مشيده يوق ؛ آسيا
کونشك سويکي آنتي کوزلرنده طاشبارق بورايه
کلن و بورايه قدر ياری دنياي اوکلرنده مسطح
نهرلر کي پارماغنك کوستردیکی نقطه يه سورهن
اسکی تورک قيله لرنيك صوك چوجوقلری شيمیدی
براققلری برلرده يواش يواش آرييورلر . بوانسانلری
استيلا يوللرينك برکوشه سنده طاش دشمن آره سنده
اوتوقانلر ، ويا اولنلری ماضينك لزومسز متروکاني کي
اکاديان وخسته اولمش چوجقلری ، بيقلمش دولری ؛
يغما ايدلش قيوپولری ايچون باشلرنده بر کوچك
دوشونجه يرلری آيرمايانلر ، اولرک بزمله نصل
صيحا قونوشدقلری ، صوقولغان بايقشيلرک بزه
اوتونوش قرده شلکي ناصل آرادقلرني وتورک باشاسنی
کورمک ايچون نصل کوزلری غرور باشلريله دولارق
بکله ديلکري کورسلر بيوک کنه لرينك اضطرابني
دويارلر ايدی ؛ بوغورور ، اينچندی ؛ نيم وقافله مک
يانه کله کلری زمان اولنده بزدن زياده افقلره باقان
کوزلر واردی ؛ بوکوزلرله سانکه بزى ، کنديلردن